


廣平府志



序



書紀禹貢詩列國風山川
土田風俗人物固已見
大槩矣自編年變爲紀傳
表志後世史家遵用之
卽郡縣之史也然史之

廣平府志

魏序

者稱馬遷班固陳壽歐
修諸家而郡縣之志未
爲文士所膾炙者何其
陋隘其事瑣尾其品行
偉者不過數人其文章
犖者不踰數篇卽有龍

之高才扶風之家學招好
網羅終無以與於瑰瑋奇
麗之觀已故不登五岳
知群山之卑也不觀四瀛
不知衆流之渺也不遊蓬
萊道山冊府芸香不知人

匱石室之珍儲鸞臺鳳閣
之故實也然則爲郡縣之
志者不亦難乎乃今廣平
郡志告成蓋三長俱備下
五難不足爲詭病矣廣平
名郡也天文上應昴畢辰

星斗樞地勢北通燕涿古
接衛鄭山則聰紫紅婁水
則漳滏洛沙風氣廻環
壤沃饒洵河朔間一都令
哉乃舊志相沿一百三十
年未經再修缺有間矣維

太守石友沈公師帥敷化
大雅在躬觀察進也潘公
蘊籍宏深風標朗峻下車
以來卽欲蒐采成一家
垂光琬琰適有內閣衛公
之條議撫軍金公之憲璫

遂造隨叔申太史之廬而
請焉曰非先生椽筆無以
謀不朽太史亦遂降心
從曰余嘗珥筆金華殿中
矣纂述之勞又烏可以辭
於是掩關却掃與乃兄晁

盟筆削補叙始于乙卯之
冬迄于丙辰之春未百日
而畢厥役其相與參酌則
冀司空公冶甯柱史元著
王方伯襄璞書旣成矣石
友使君遣一介之使問

于余余焚香誦之繼之以
膏見其贍而有要詳而有
體自星野沿革暨災祥雜
志共二十卷而古今典制
興革地方人物勝蹟天道
地勢人事之本末備矣告

竣雖以百日繙閱取之廿
一史歷有三載此龍門扶
風之遺意可爲龔黃元魯
之指南也豈不盛哉抑余
因之有所感矣

國家幅員廣濶包容無外而

根本在於畿輔畿輔近郊
多入公侯采地賦稅所出
根本又在於趙魏廣平趙
都也距邯鄲兩舍耳咽喉
所屬似平而險當戰國之
時秦人鷹揚虎視日肆吞

噬惟趙與之抗衡秦終不
能有加於趙唐之河朔藩
鎮蟠結桀驁不可控制昭
義橫亘其中卒破朱滔救
魏博而定其亂則以洛磁
邢三州爲之盡力也貝嘗

滄瀛之衝亦爲重鎮今軍
興未已轉輸糧餉且爲漢
之關中河內矣歲多水災
民寡蓄積煦煦而休養之
俾不至瘡痍而奮其忠孝
之氣以作干城賢使君明
府之心亦此地父老子第
之望也敢因弁語而併及
之以俟後之君子

賜進士出身光祿大夫太子太
傅保和殿大學士兼禮部
尚書加一級前太子太保

吏部尚書都察院左都御史
史栢鄉魏裔介撰

序

郡故有志陳給諫裴所修也去
今百三十年中間如大吏之類
畫與守土者之襲易漸次漸滅
且郡以雄要稱卽版輿無改而
金穀戶齒以及今昔秩官之名
蹟前罔續後未該殆亦近代之

軼事已曩數議補輯而未果以
載筆之難其人也廼者

天子可輔臣奏纂修大清一統志因
令天下郡縣咸新厥志焉會隨
叔申太史乞假里居郡守高郵
沈公曰編纂刪述太史職也纂
修一統志將必屬之郡縣志成

悉供採輯有弗若於矩者將必
芟竄之郡之志與其受芟竄於
異日也何若卽今日而出乎匠
者之手庶幾無侂爾度歟郡公
愬然而請太史怡然而受蓋相
得而彰也太史櫬戶簾閣蒐散
括遺故無損而新罔溢閱三月

而告竣沈公及太史同寓書於
余屬一言以爲序余忝爲郡人
士聿觀厥成誼不可以不文謝
竊以廣平卽古武安其稱郡也
漢迄今幾二千載所隸九邑故
皆趙地北通燕涿南接鄭衛洵
河朔一都會也司馬遷曰燕趙

之民慨慨悲歌方輿志曰質直
勤儉俗爲近古獨是肘翼太行
壤多堯塉帶遶漳洛埴多沮洳
田纔二萬有奇歲辦幾六萬石
瘠而勞勞而思所以賦鮮飽也
不予午衝而已亥衝往者制府
建牙天雄七郡之監司帥裨文

書檄牒往來無虛日供張郵遞
實煩且促所以賦隄人也屢豐
尚可竭蹶枝拄歲一弗若如曠
溢如蟲蝨富襮褊而貧鳩鵲嗟
哉無告已往見郡縣諸志刻畫
峰嵐點染浦溆甚至侈傳金錫
松磬之產飾談麟鳳芝菌之祥

而東南之缺弘閭閻之利病多
所闕如義將奚取乎乃或者曰
禹貢紀物產而不及風俗職方
載地理而不及人才是亦古則
也余不謂然禹貢等今之賦籍
職方等今之輿圖文無標舉義
非風示與志體異何可比而同

之吾郡自開天以後名賢林列
潛德無潛幽光無幽炳炳麟麟
要不出此幅幘三百里間也而
百餘年來寧無名德亮節輝今
映昔者詎忍畧而弗傳耶畧則
非誼濫則失衡脫其指吉光爲
鷺鷥則弗如勿攬輝也雜舊草

於椒蘭則弗如地靈寶也惟郡公識是義惟太史能是職志成而余可無慊焉矣他日郡守上之監司監司上之開府開府上之容臺彙而請付史館金閨玉署之間藜炤芸香之際必咨嗟而嘉歎曰此廣平郡志也體裁

義旨足爲一統志之權輿諸公其慰以快哉不佞系籍於中亦將分樾蔭而藉珠光矣爰爲序
賜進士出身光祿大夫工部尚書前都察院掌院事左都御史兵工二部左右侍郎通政使司通政使太常寺卿郡人冀如錫撰

序

自秦廢封建分天下爲郡縣歷代因之雖建置沿革畧有不同而星羅碁置以共成一統之盛名區僻壤皆在不遺吾郡爲晉趙故封其山川靈秀土物豐美與夫薦紳縫掖耕夫女紅之彬彬雅淳慤雖非通都大邑有瑰瑋奇麗之觀而民勤俗儉猶隱然留陶唐氏之遺風焉矧密邇

廣平府志

甯序

十

輦轂聲教先被漸摩移易者匪伊朝夕顧習俗已異昔時而郡志一仍舊貫非所以揚盛美示來茲也郡伯高郵沈公來蒞茲土利興弊釐百廢俱起遂毅然有志於修葺之舉集紳士而圖維之出其獨斷佐以僉同余姻友申太史實司筆札余以蒙

恩放歸里居得贊末議焉考訂之事下逮
諸生咨訪之勤不遺野老刪繁蕪而
就典要凡閱數月告厥成功遂釐然
成一郡良史夫修舉百餘年廢典虛
公詳慎總羣議而折衷之捐俸鳩工
率先董役沈公之名與斯志同不朽
矣間嘗披閱各郡縣志或詳或簡文
雖互異非上關國計卽下係民風而

其間之忠孝節義尤足深入向往余
因而嘆曰志之修也蓋以教天下之
爲忠臣爲孝子希聖希賢而爲義夫
節婦也豈獨採藻搜奇徒侈觀聽已
哉是集紀載詳明叅考精確凡九邑
之山河風土兵農災祲條分縷析一
開卷而瞭若指掌至於憑高眺遠識
地氣之鍾靈望古遙集弔昔賢之遺

址或立朝著節或居鄉立行或烈士
成仁或貞媛厲俗異時採風之史軒
輶入

告應與奕奕禹甸濟濟國楨後先媲美不
止於頑廉懦立動觀感於一時也則
挽頽風而敦古治端唯司土者有攸
賴矣是爲序

賜同進士出身儒林郎原任山西道監察

廣平府志

甯序

三

御史巡視西南兩城掌浙江山西兩
道監臨癸丑科武闈會試巡按兩淮
鹽課前翰林院庶吉士郡人甯爾講
撰